


23.10.2013 13:06



ՀԱՂՈՐԴԱԳՐՈՒԹՅՈՒՆ

2013թ. հոկտեմբերի 16-ին տեղի է ունեցել ՀՀ փաստաբանների պալատի նախագահ Արա Զոհրաբյանի և ՀՀ արդարադատության նախարար Հրայր Թովմասյանի հանդիպումը: Հանդիպման ժամանակ քննարկվել են ՀՀ արդարադատության նախարարության կողմից շրջանառության մեջ դրված ««Փաստաբանության մասին» Հայաստանի Հանրապետության օրենքում փոփոխություններ և լրացումներ կատարելու մասին» ՀՀ օրենքի և ««Պետական տուրքի մասին» Հայաստանի Հանրապետության օրենքում լրացումներ կատարելու մասին» ՀՀ օրենքի նախագծերը: Կողմերը կարևորելով փաստաբանության անկախությունը, որոշել են քննարկումները շարունակել:

Հիշեցնենք, որ ՀՀ փաստաբանների պալատի նախագահը 07.10.2013թ. գրությամբ ՀՀ արդարադատության նախարարությանը խնդրել էր շրջանառությունից հանել նշված նախագծերը: Նախագծերի վերաբերյալ բացասական դիրքորոշում էր հայտնել նաև ՀՀ փաստաբանների պալատի խորհուրդը, ՀՀ մարդու իրավունքների պաշտպանը, պատգամավորներ, «Մարդու իրավունքների, քաղաքականության և հումանիտար պրոբլեմների միջազգային ասոցիացիա» իրավապաշտպան կազմակերպությունը, «Հայաստանի երիտասարդ իրավաբանների ասոցացիա» հասարակական կազմակերպությունը և այլ իրավապաշտպան և հասարակական կազմակերպություններ: Փաստաբաններն իրենց անհամաձայնությունն էին հայտնել նշված նախագծերի դեմ նաև հայտարարություններ տարածելով:

*ՀՀ փաստաբանների պալատի
աշխատակազմ*

Նախորդ նորությունը: [ՍՏՈՐԱԳՐԱՀԱՎԱՔ](#)

Հաջորդ նորությունը: «ՄԱՐԴՈՒ ԻՐԱՎՈՒՆՔՆԵՐԻ, ՔԱՂԱՔԱԿԱՆՈՒԹՅԱՆ ԵՎ ՀՈՒՄԱՆԻՏԱՐ ՊՐՈՔԼԵՄՆԵՐԻ ՄԻՋԱԶԳԱՅԻՆ ԱՍՈՑԻԱՑԻԱ» ՄՈԿԿ ՆԱԽԱԳԱՀ Է.ՄԱՆԵՎԻԴԻՍԻ ԳՐՈՒԹՅՈՒՆ ՈՒՂՂՎԱԾ ՀՀ ՎԱՐՉԱՊԵՏ Տ.ՍԱՐԳՍՅԱՆԻՆ